



KAPAL nelayan asing yang berjaya ditahan di kedudukan 132 batu nautika dari barat laut Tanjung Baram.

CEROBOH PERAIRAN NEGARA

Dua bot nelayan Vietnam ditahan

HM 10/10/24 pg 7

Kuching: Agensi Penguatkuasaan Maritim Malaysia (APMM) menahan dua bot nelayan Vietnam dalam operasi di perairan negeri ini, Sabtu lalu.

Pengarah APMM Sarawak, Laksamana Pertama Maritim Kamal Arrifin Jusoh berkata, kedua-dua bot terbabit ditahan selepas didapati bergerak dalam keadaan mencurigakan.

Menurutnya, penahanan itu dilakukan ketika bot APMM melaksanakan rondaan di kedudukan sekitar 132 batu nautika dari barat laut Tanjung Baram.

"Kedua-dua bot itu cuba melarikan diri, namun tindakan pantas berjaya

menghalang mereka sebelum berjaya ditahan pada jam 11.35 pagi dan 11.55 pagi Sabtu lalu.

"Pemeriksaan lanjut mendapati 10 kru yang ditahan termasuk tekong, adalah warga Vietnam berusia 30 hingga 66 tahun. Kesemua mereka didapati tidak memiliki dokumen pengenalan diri yang sah," katanya.

Katanya, kesemua kru disiasat mengikut Akta Perikanan 1985, yang jika sabit kesalahan tekong boleh didenda sehingga RM1 juta, manakala kru pula boleh didenda RM100,000 atau penjara maksimum dua tahun.